



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ZAPISNIK
O RADU 46. SJEDNICE
GRADSKOG VIJEĆA GRADA SARAJEVA
ODRŽANE 26.11.2024. GODINE

Sarajevo, novembar 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



**ZAPISNIK O RADU 46. SJEDNICE
GRADSKOG VIJEĆA GRADA SARAJEVA
ODRŽANE 26.11.2024. GODINE**

Broj: 01-GV-02-1514/24

Datum: 26.11.2024. godine

Sjednica je počela sa radom u 10,00 sati.

Sjednicom je predsjedavao **Jasmin Ademović, predsjedavajući Gradskog vijeća.**

Prisutni su bili sljedeći gradski vijećnici:

1. Alem Logo
2. Almedin Miladin
3. Biljana Lazarević
4. Danijela Šahat
5. Jasmin Ademović
6. Samir Bejić
7. Toni Vukadin
8. Alen Girt
9. Mirela Džehverović
10. Ratko Orozović
11. Hazim Bahtanović
12. Srđan Simonović
13. Vedad Deljković
14. Dragan Stevanović
15. Elvedin Korora
16. Muamer Mekić
17. Bajro Biber
18. Robert Pleše
19. Seid Škaljić
20. Željko Majstorović
21. Vedran Dodik
22. Drago Jurić
23. Enisa Spahić
24. Jasmin Skorupan
25. Srđan Srdić

Odsutni: Lajla Ćosović (najavljen izostanak), Adi Škaljić (podnio ostavku na mandat gradskog vijećnika) i Amra Zulfikarpašić

Pored gradskih vijećnika, sjednici su prisustvovali:

1. Mirza Selimbegović, zamjenik gradonačelnika Grada Sarajeva (izabran na sjednici)
2. Mila Eminović, sekretar Gradskog vijeća
3. Mirjana Đanović Stanić, rukovodilac Stručne službe za poslove Gradskog vijeća
4. Aida Bajramović, sekretarka organa uprave
5. Admir Jusufbegović, pravobranilac Grada Sarajevo
6. Dženana Šarčević, rukovodilac Stručne službe za poslove kabineta i poslove Gradske uprave
7. Muamer Kutlovac, pomoćnik gradonačelnika za finansije
8. Elvir Hadžiahmetović, pomoćnik gradonačelnice za lokalno poslovanje
9. Bakir Hadžiomerović, direktor JP "Sarajevo" d.o.o.

Predsjedavajući Gradskog vijeća Jasmin Ademović je pozdravio prisutne, te najavio utvrđivanje prisustva, odnosno najave odsustva po pozivu za sjednicu.

Sekretar Gradskog vijeća Mila Eminović je informisala Gradsko vijeće da su izostanak sa sjednice najavili gradski vijećnici Lajla Ćosović i Biljana Lazarević, a kašnjenje gradski vijećnici Amra Zulfikarpašić i Alem Logo, te da je odsutan i gradski vijećnik Adi Škaljić.

Predsjedavajući Gradskog vijeća Jasmin Ademović je konstatovao da sjednici prisustvuju 22 gradska vijećnika te da Gradsko vijeće ima kvorum za punovažan rad i odlučivanje.

Zatim je otvorio 46. sjednicu Gradskog vijeća Grada Sarajeva.

Usljedio je intoniranje himne Bosne i Hercegovine.

Predsjedavajući Gradskog vijeća Jasmin Ademović je podsjetio gradske vijećnike da je sjednica sazvana u skladu sa članom 70. stav 6. Poslovnika Gradskog vijeća Grada Sarajeva, te je na sjednici predložio sljedeći dnevni red:

1. Izbor gradonačelnika Grada Sarajeva
2. Izbor zamjenika gradonačelnika Grada Sarajeva
3. Prijedlog Odluke o razrješenju člana radnog tijela Gradskog vijeća (*Adi Škaljić*)
4. Prijedlog Odluke o izboru člana radnog tijela Gradskog vijeća (*Robert Pleše*)
5. Vijećnička pitanja i inicijative

Predložio je da se o proceduralnom pitanju za razmatranje akata koji su predloženi za razmatranje po hitnom postupku vodi jedinstvena rasprava a odlučuje odvojeno za predložene tačke dnevnog reda od 1 do 4.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 19 glasova „za“, bez glasova „protiv“ i bez „suzdržanih“ glasova prisutnih gradskih vijećnika (osam gradskih vijećnika se nije izjasnilo) **usvojilo je proceduralni prijedlog** da se o **proceduralnim prijedlozima** za razmatranje akata koji su predloženi za razmatranje po hitnom postupku **vodi jedinstvena rasprava, a odlučuje odvojeno.**

Gradski vijećnik Muamer Mekić je u ime Kluba gradskih vijećnika SDP predložio da se iz prijedloga dnevnog reda sjednice izostavi tačka: Izbor gradonačelnika Grada Sarajeva i prijedlog obrazložio u diskusiji sljedećeg sadržaja.

SDP je politički subjekt koji će predložiti kandidata za izbor gradonačelnika, međutim, zbog kratkog roka, još uvijek nije bilo moguće provesti potrebne procedure da bi bio predložen odgovarajući kandidat, a imajući u vidu značaj ove funkcije. Kandidat će biti istaknut u naredna dva dana.

U raspravi koja je uslijedila učestvovali su **gradski vijećnik Muamer Mekić, gradski vijećnik Srđan Srdić, predsjedavajući Gradskog vijeća Jasmin Ademović i gradski vijećnik Dragan Stevanović.**

Predsjedavajući Gradskog vijeća Jasmin Ademović je konstatovao da su radu sjednice pristupili gradski vijećnici Alem Logo i Biljana Lazarević te da sjednici prisustvuju 24 gradska vijećnika.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, izjasnivši se sa 14 glasova „za“, jednim glasom „protiv“ i sedam „suzdržanih“ glasova prisutnih gradskih vijećnika (dva gradska vijećnika se nisu izjasnila) **nije usvojilo proceduralni prijedlog** da se Izbor gradonačelnika Grada Sarajeva **razmatra po hitnom postupku.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **većinom glasova**, izjasniviši se sa 19 glasova „za“, bez glasova „protiv“ i tri „suzdržana“ glasa prisutnih gradskih vijećnika (tri gradska vijećnika se nisu izjasnila) **usvojilo je proceduralni prijedlog** da se Izbor zamjenika gradonačelnika Grada Sarajeva **razmatra po hitnom postupku**.

Predsjedavajući Gradskog vijeća Jasmin Ademović je konstatovao da je radu sjednice pristupio gradski vijećnik Vedran Dodik te da sjednici prisustvuje 25 gradskih vijećnika.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasniviši se sa 19 glasova „za“, bez glasova „protiv“ i bez „suzdržanih“ glasova prisutnih gradskih vijećnika (šest gradskih vijećnika se nisu izjasnila) **usvojilo je proceduralni prijedlog** da se Odluka o razrješenju člana radnog tijela Gradskog vijeća (*Adi Škaljić*) **razmatra u formi prijedloga po hitnom postupku**.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **većinom glasova**, izjasniviši se sa 21 glasom „za“, bez glasova „protiv“ i jednim „suzdržanim“ glasom prisutnih gradskih vijećnika (tri gradska vijećnika se nisu izjasnila) **usvojilo je proceduralni prijedlog** da se Odluka o izboru člana radnog tijela Gradskog vijeća (*Robert Pleše*) **razmatra u formi prijedloga po hitnom postupku**.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasniviši se sa 23 glasa „za“, bez glasova „protiv“ i bez „suzdržanih“ glasova prisutnih gradskih vijećnika (dva gradska vijećnika se nisu izjasnila) **usvojilo je dnevni red 46. sjednice Gradskog vijeća Grada Sarajeva koji glasi:**

1. Izbor zamjenika gradonačelnika Grada Sarajeva
2. Prijedlog Odluke o razrješenju člana radnog tijela Gradskog vijeća (*Adi Škaljić*)
3. Prijedlog Odluke o izboru člana radnog tijela Gradskog vijeća (*Robert Pleše*)
4. Vijećnička pitanja i inicijative

Ad 1)

Izbor zamjenika gradonačelnika Grada Sarajeva

Jasmin Ademović, predsjedavajući Gradskog vijeća je podsjetio gradske vijećnike na odredbe Statuta Grada Sarajeva i Poslovnika Gradskog vijeća Grada Sarajeva kojima se propisuje izbor zamjenika Gradonačelnika.

Pozvao je gradske vijećnike da iznesu prijedloge za izbor zamjenika Gradonačelnika.

Gradski vijećnik Toni Vukadin je predložio da se za zamjenika Gradonačelnika izabere Mirza Selimbegović. Upoznao je gradske vijećnike sa kratkom biografijom kandidata te obrazložio podneseni prijedlog.

U raspravi koja je uslijedila učestvovali su **gradski vijećnik Vedad Deljković, predsjedavajući Gradskog vijeća Jasmin Ademović, gradski vijećnik Srđan Srđić, gradski vijećnik Toni Vukadin, gradski vijećnik Alen Girt, zamjenik predsjedavajućeg Gradskog vijeća Srđan Simonović, gradski vijećnik Samir Bejić i gradski vijećnik Dragan Stevanović.**

Gradski vijećnik Vedad Deljković je zatražio da se u zapisnik o radu sjednice unese njegova diskusija:

“Esselamu alejkum i dobar dan pošto se prvi put javljam. Želim iskoristiti priliku da čestitam svim građanima Dan državnosti sa malim zakašnjenjem, ali eto, opet sretan Dan državnosti

svima koji ovu državu osjećaju i vole. Ja bi se Predsjedavajući, referisao na nedavno izlaganje gospođe Anje Margetić i to moram javno, pošto me je gospođa Margetić u više navrata spomenula. Gospođa Margetić je spomenula da se seli zbog nekog sistema koji je ovdje nacionalizam, pa bi ja sada malo da kažem javnosti ko je gospođa Anja Margetić i šta je ona radila tri i po godine ovdje. Gospođa Margetić se je dva puta javila za riječ. Jednom prošlu sjednicu kad je rekla da je saglasna za materijal, a drugi put kad se je nakašljala pa joj neko rekao nazdravlje a ona rekla hvala. Znači, dva puta smo čuli gospođu Margetić kako se javila. U tri i po godine gospođa Margetić je 49 puta bila na službenim putovanjima. To je koštalo između 18 i 20.000,00 KM ovaj Grad. 45 sjednica Gradskog vijeća gospođa Margetić je prisustvovala, prema mojim informacijama, mojoj evidenciji, 18 sjednica. Od tih 18 sjednica ostala je do kraja na četiri. Gospođa Margetić se seli iz ove države. Ja ne vidim razlog da je to zbog nekih neprincipijelnosti ili zato što je neko nju ugnjetava što ona nije Bošnjak kako je to recimo naglašavala. Ona se seli jer se je gospođa udala u drugu zemlju, u drugi grad, u Istru. Želim joj svaki hajr, da nam ostane tamo, ali bi volio isto tako da i drugim nebošnjacima bude teško ko gospođi Margetić.....gospođa Margetić je, također, rekla da je bivša gradonačelnica imala neke radnje koje nisu zakonite. Ona ako ih zna dužna ih je prijaviti odmah, a ako ih nije prijavila a zna, ona čini krivično djelo. Stoga, za sljedeću sjednicu, za petak, kad budemo birali gradonačelnika, želim da mi se napismeno dostavi,..... Na koliko je službenih putovanja gospođa Margetić tačno bila? Je li je to 49? Koja su to službena putovanja i koja je bila svrha? Da li je ona bila turistički radnik ispred Grada Sarajeva.... ili je bila neka svrha, donijela neki dobit, neki benefit ovom Gradu ”.

Predsjedavajući Gradskog vijeća Jasmin Ademović je upozorio gradskog vijećnika Vedada Deljkovića i ostale vijećnike da se može govoriti samo o pitanju o kome se raspravlja po utvrđenom dnevnom redu, te da se drže dnevnog reda.

Predsjedavajući Gradskog vijeća Jasmin Ademović upoznao je gradske vijećnike da je kandidat, prije izbora, dostavio izjavu o prihvatanju kandidature.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva, većinom glasova**, izjasnivši se sa 19 glasova „za“, jednim glasom „protiv“ i dva „suzdržana“ glasa prisutnih gradskih vijećnika (tri gradska vijećnika se nisu izjasnila) **izabralo je Mirzu Selimbegovića za zamjenika Gradonačelnika Grada Sarajeva.**

Zamjenik Gradonačelnika Mirza Selimbegović se izjasnio da prihvata izbor, a zatim je dao svečanu izjavu čime je uveden u novu dužnost.

Ad 2)

Prijedlog Odluke o razrješenju člana radnog tijela Gradskog vijeća (Adi Škaljić)

Ad 3)

Prijedlog Odluke o izboru člana radnog tijela Gradskog vijeća (Robert Pleše)

Predsjedavajući Gradskog vijeća Jasmin Ademović je predložio da se o tačkama 2. i 3. dnevnog reda vodi jedinstvena rasprava, a odlučuje odvojeno.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 21 glasom „za“, bez glasova „protiv“ i bez „suzdržanih“ glasova prisutnih gradskih vijećnika (četiri gradska vijećnika se nisu izjasnila) **usvojilo je prijedlog da se o tačkama 2. i 3. dnevnog reda vodi jedinstvena rasprava, a odlučuje odvojeno.**

Predsjedavajući Gradskog vijeća Jasmin Ademović je dao uvodne napomene sljedećeg sadržaja:

Predlagač odluka je Komisija za izbor i imenovanja.

Pristupilo se predlaganju ovih odluka, cijeneći činjenicu da je gradski vijećnik Adi Škaljić

podnio ostavku na poziciju gradskog vijećnika i člana radnih tijela.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 23 glasa „za“, bez glasova „protiv“ i bez „suzdržanih“ glasova prisutnih gradskih vijećnika (dva gradska vijećnika se nisu izjasnila), **usvojilo Odluku o razrješenju člana radnog tijela Gradskog vijeća (Adi Škaljić), kako je predložena.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 20 glasova „za“, bez glasova „protiv“ i bez „suzdržanih“ glasova prisutnih gradskih vijećnika (pet gradskih vijećnika se nije izjasnilo), **usvojilo je Odluku o izboru člana radnog tijela Gradskog vijeća (Robert Pleše), kako je predložena.**

Ad 4)

Vijećnička pitanja i inicijative

Predsjedavajući Gradskog vijeća Grada Sarajeva Jasmin Ademović je dao uvodne napomene sljedećeg sadržaja:

Obzirom da je ova sjednica sazvana po proceduri u hitnim slučajevima, nemamo u materijalu vijećničkih pitanja i inicijativa, te je pozvao gradske vijećnike da temeljem člana 148. stav 3. Poslovnika Gradskog vijeća Grada Sarajeva usmeno postavite vijećnička pitanja i inicijative.

Gradski vijećnik Vedad Deljković je postavio **vijećnička pitanja** sljedećeg sadržaja:

Potrebno je dostaviti informaciju na koliko službenih putovanja je do sada bila zamjenica gradonačelnice Grada Sarajeva Anja Margetić Stakić?

Također, potrebno je dostaviti informaciju koja su to službena putovanja bila, u koju svrhu i koliko su trajala kao i informaciju koliko je to koštalo Grad Sarajevo?

Potrebno je dostaviti informaciju o mjesečnim primanjima odgovornih lica u udruženjima za koja Grad Sarajevo izdvaja preko 50.000,00 KM.

Potrebno je dostaviti informaciju o mjesečnim primanjima odgovornih lica u Udruženju „Dajte nam šansu“ kao i o broju uposlenih u ovom udruženju.

Predsjedavajući Gradskog vijeća Jasmin Ademović je zaključio rad 46. sjednice Gradskog vijeća Grada Sarajeva.

Sjednica Gradskog vijeća Grada Sarajeva završena je u 10.53 sati.

Sastavni dio ovog zapisnika je izvornik i tonski snimak o radu sjednice Gradskog vijeća Grada Sarajeva koji se čuvaju u Stručnoj službi za poslove Gradskog vijeća Grada Sarajeva.

SEKRETAR GRADSKOG VIJEĆA

Mila Eminović

PREDSJEDAVAJUĆI GRADSKOG VIJEĆA

Jasmin Ademović, s.r.